



白沙子全集

和16
1084
22

廿二



門入和16
1084
22

白永流芳

迎醫寄左明府

帆開春鳥起
篙響曉鴉連
日出千江水
風連一路烟
病苦魔難敵
情真事可憐
平生左明府
應惠濟生丸

贈陸醫士左明府遣來

山雨睡初醒
門前報陸生
手持王氏藥
重是長官情
分付一杯茗
剛勞幾日程
小詩何足誦
聊以著佳名



寄東所
病久惟聽命詩成不浪傳門前花十丈玉井正
開蓮數椽剛到地一棟且橫天不亾吾道在萬
萬歲相連

春日偶成

菊殘猶可對人老不須嗟水閣風低柳山籬雀
啁花千門盡桃李十畝未桑麻大禹須治水顏
回却臥家

競長家家柳齊開陣陣花春深添富貴人老舊

烟霞歆枕黃鸝近開窓白鳥斜草玄無意緒呼
酒對侯巴

白馬菴聯句

人生須此會何處問陰晴白沙動蕩乾坤氣調

和鼎鼐羹

懷玉

公來山閣雨天共主人情

定山

未了鵝湖興江城又殺更

宗派

寒風吹角短細雨打更長

白沙

天意留行李燈

花喜對床

懷玉

衣冠真率會尊俎太和湯

定山

何限春消息梅花不斷香

宗派

白雲子全集 卷七
七言律詩

與友約遊仙井

仙井會容雙眼到病軀須着一筇扶春風有客
來相問何日扁舟進所如世道難交終索寞幽
居擬卜只虛無憑君寄語山靈道欲傍啼猿借
一區

馬貞卜築圃中與容貫同處

何處有花堪結椽溪邊園裏樹相連一齋一榻
同燈火江草江花自歲年元亮高樓須避俗巖

青異骨合成仙東風兩岸黃鸝語我亦中流坐
我船

自斗岡還至汾水江值暮

歸舟欲背南風發別棧初開落日斜社曲寄聲

憑驥子

是日景易
有信促歸

武陵回首惜桃花東遊西泛

經旬日揮翰留詩到幾家滿眼却愁歸路黑時
從野老問江叉

弔崖

天玉舟楫浮南海大將旌旗仆北風義重君臣

終死節時來胡虜亦成功身爲左衽皆劉豫志
復中原有謝公人衆勝天非一日西湖雲掩鄂
王宮

子陵

誰將此筆點行藏真有乾坤日月光三尺羊裘
幾銖兩千秋龍袞共低昂客星天上何須急老
脚人間不浪長留得先生在台輔不知東漢可
陶唐

羊裘不返道終疑玉帛雖來事可知天下君臣

光武召世間膾炙子陵碑故人不改在奴態一
事堪爲百世師九鼎漢家從此重聽歌山谷老
人詩

桐江秋水來天地照見千年老鳳還太史直書
形迹外先生猶在是非間交情此去投當宁年
事何勞列從班欲向東吳問遺老江湖容有此
翁閒

先生如此亦天民高坐桐江一水濱却到陵夷
排亂賊方知名節是忠臣白鷗自去江湖遠黃

4
何來道路頻往往見人東廡下傷心一代帝王真

讀張曲江撰徐聘君墓碣

杜陵烟艇曾來否相國銘章今在亾千古我能
生感激一碑誰可借輝光江波自映蒲輪返原
草還沾絮酒香事異鑿坏終遠去鴻冥天濶道
之常

桓靈而下使人悲却憶陳蕃在郡時何處公車
還欲召平生此榻竟奚禪事機成敗我常算天
命去留人得知萬古江山一回首風清月朗聘
君祠

知心未問陳蕃輩欲起先生在帝桓自古山林
輕祿位至今朋黨惜衣冠尋常笑語諸公撫七
十支離一老看誰道開元張相國重磨碑碣寫
心肝

一木能支大厦顛棲棲徒只喻當年身垂白髮
西山裏光射青牛北斗邊信史只今文獻碣清
風何日豫章傳狂歌亂耳不足獻依舊生芻置

墓前

西山驛晚望

晚來花雨濕詩囊
晚上郵亭望大荒
南盡海旁諸郡淺
西來天上一江長
漁歌落日還孤艇
樹隔啼鶯背短牆
料理憑高非一事
樽前誰與共平章

秋江漫興

能傾瓦觥深深酒
不盡秋江短短篇
閑弄孤舟移白日
明開兩眼看青天
鷗遷遠渚眠何處
雲

颺高風落此川
野老隔波頻問訊
可能無意向神仙

送羅養明還江右

長寄湖西夢裡身
扁舟春早忽相尋
乾坤自古悲難合
伯仲而今契亦深
草色正催公子醉
花枝不稱老年心
何須袖却鴛鴦手
更向滄溟問我針

懶作人間賣卜仙
紅蕖浪裏枕書眠
詩篇到老絕求世
酒琰逢春不愛錢
鷗鷺一羣清似雪
江

湖諸子遠如天扁舟忽報金牛信也得江花對
惠連

村中卽事

山風處處聞松花江市日日來魚蝦高田一弓
走獵犬灌水幾株松老鴉正逢元宵市燈好亦
有雜劇村鼓搗野老西疇急春事長揖縣官歸
縣衙

曉枕過金洲戲作

行人拍手笑天公十月江湖未朔風旭日上天
纔半赤晴霞照水忽殷紅注目九江來艇急回
頭三老著篙慵何須却是蒼梧道不道天公也
笑儂

清明前三日有懷亾友伍光宇無子

先生英骨葬蓬萊幽思憑高不易裁荒歲無窮
春易老清明將近雨還來皇天自失包胥定泉
壤誰興伯道哀尋樂齋前數株樹月明空有鶴
飛回

禱雨呈縣主丁彥誠

峰頂爲壇五土升皇穹端合享精誠兩聲先到
玉臺寺雲氣初蒸綠護屏野老分錢須一虎病
夫獻茗走諸生年豐我欲招神貺絕壁高鑄今
尹名

奉陪趙提學崖山慈元殿弔古

信國諸臣近有碑一陵瀕海尚堪疑荒山野水
無人到落日輕風送我旗天地幾回人變鬼風
波萬里母將兒萋萋芳草慈元下邂逅漁樵問
舊時

李德孚輓歌詞

此翁白髮已垂肩猶借滄波十載眠

德孚巳丑借予自京

師歸不復出至是十年而卒

一舸載書同載酒幾家留藥更

留錢山陽笛奏西樵月

西樵南海山名余曩與伍光宇同遊後有西樵

山感舊詩卽此山也

薤露歌傳大石篇

大石卽德孚所居村名

誰道

人生只如此兩行衰淚落江烟

別時已動東游興別後還深永訣悲夫子春秋
能六十故人涕淚不童兒身如南郭人間老家
有文溪地下師修短未知人喜戚天涯孤影日

白沙子全集
卷七
六
淒其

題莊定山詩集

春風一曲有霓裳不落人間小錦囊今代名家
誰李杜先生高枕自羲皇乾坤兀兀中流柱風
月恢恢大雅堂莫道白沙無眼孔濯纓千頃破
滄浪

浴日亭次東坡韻

殘月無光水拍天漁舟數點落前灣赤騰空洞
昨宵日翠展蒼茫何處山顧影未須悲鶴髮負

暄可以獻 龍顏誰能手抱陽和去散入千崖
萬壑間

扶胥口書事借浴日亭韻

早春約我扶胥口今日進舟黃木灣使君已去
漫留諾水國獨吟空見山老向烟波真得地脫
來風日更開顏明朝去覓南川子與話平生水
石間

宿欖山書屋

一片荷衣也蓋身閉窓眠者乃何人江山雨裏

同歌嘯今古人間幾屈伸長與白雲爲洞主自
栽香樹作齋隣山中甲子無人記一度花開一
度春

別欖山

羅浮山色眼中來老子心情不易裁高浪不驚
南海舶白雲聊共欖山杯未知竹徑留人否那
問天公著雨催主人更道秋來好收拾黃花待
我回

餘興

何處秋聲入短琴江邊蕭瑟起楓林空歌白雪
兒童笑不負滄波老子心釣石摩挲雲氣暖睡
沙展轉月痕深眼中昏嫁隨時了只有床頭鬢
犬全

陳冕來遊白沙至仰船江遇石尤風舟覆
中流幾覆程夫子何況白沙門下人賢輩何曾
負天道老夫正自怪江神仁義幾回驚濶論利
名何處不通津祗應歸拜庭闈日棄置艱難不
肯陳

白洲詩集 卷七 雜詩 六九
羅一峯輓詞

今我何敢私一峯百年公論在兒童要知此老
如君實更恐前身是孔融青天白日人千古五
典三綱疏一通天下何嘗乏知己我言剛與定
山同

狀元文史少微星翰苑爲官謾兩京既有光華
爭日月那無描畫在丹青表章細事憑諸老悵
望高風激後生千秋欲與蘇徐並湖水中央更
一亭

芙蓉城下白驃還更見一峯何處山晚覺神仙
真妄誕肯留精爽一追攀高才轉盼交游內元
氣驚心宇宙間此日迺空爲誰泣哀齡何意向
人寰

杜阮看山容貫卜居之地

曾於海上看羅浮魂爽高飛未得收一片好山
還入眼兩巡瘦馬更回頭青浮竹杪岡連峙紅
浸花枝水曲流君若卜居須卜此澗邊黃髮是
巢由

數家種竹已成林共有平生下築心草木總偷
春色早雲霞偏傍晚山深鶯聲早赴山靈約松
蓋先分地主陰欲置一菴三級土結趺高榻對
南岑

代簡荅伍郡主爲莆田林侍御求草書

閉門一病九十日小草大草生荒蕪山癯須愛
老在客府主正逢賢大夫藥裹君臣何處有墨
池風雨坐來無秃管已馳林侍御如今雪齒不
還蕭

東亭奉別憲副陶公

父老連村擁畫航東亭西日引杯長舊是宰官
今憲副後來新會古桐鄉指揮戎馬能千里表
裡山河捍一方太史但收能吏傳昇平不必問
耕桑

蔣宗誼以厥考樵林摘稿及其所著續宋
論見寄代簡奉答

江右詩書不乏賢君家父子盡堪傳樵林一摘
幾千首宋論直窺三百年西漢文章遷史後東

吳風月定山前乾坤隻眼知誰在不是楊雄不
好玄

寄景星海上

如花暝雨迷千里隔水殘紅度幾車夢破三更
子規鳥香來一樹木犀花病夫老去頭如鶴稚
子春來髮似鴉海曲傳詩意無盡更期何處問
丹砂

次韻都憲朱公歸興

當日頭顱也未然相逢休問買山錢葛巾旋把

陶潛酒烟水將歸范蠡船嶺表他年須領略桂
陽秋月憶高眠大臣去就嫌疑絕還似嘉謨贊
九天

命孫田

新開斥鹵走通川賸種烏糝益稅錢士不居官
終愛國孫當從祖是名田幸生天下承平日
屢見人間大有年從此不須憂俯仰菰齋向暖
抱孫眠

辛丑元旦戲筆

白沙子全集 卷七 七
酒杯不與年顏老詩思還隨物候新分外不加
毫末事意中長滿十分春樓樓竹几眠看客處
處桃符寫似人除却東風花鳥句更將何事答
洪鈞

與謝朓

柳市南頭望客舟青山無語水東流江花自對
黃鸝曉風雨偏催白髮秋宇宙萬年開老眼肝
腸一縷入春愁明朝日出波濤暖依舊忘機對
海鷗

重贈張詡

風雨何人來款扉滄江烟艇疾於飛正將白首
憐傾蓋不管春泥得上衣詩句與君爭出手酒
杯中我自忘機傷心萬里滄溟水又逐長風破
浪歸

醪醖將開值雨

相看無語只沉吟蓓蕾枝頭已簇金山雨不來
昏晝景東君容有妬春心較量花品終何益茫
昧天機亦自深明日陰晴還未定一尊何急對

白沙子全集 卷七 七
花斟

答梅繡衣見訪

一春烟雨暗荆扉
繫馬憐君共落暉
酒琰香風吹月桂
硯池清露滴醪醑
水中郭索噴皆是
屋上慈烏愛亦非
天道不移人自異
紅塵飛上釣魚磯

陳庸被盜張詡有詩唁之因次其韻

三尺龍泉八尺身
書生膽氣欲驚人
亦遣偷兒知我輩
還將直道是斯民
風連蜀鬼東方曉
雨

洗茶糜昨夜春
白舫望君心若渴
清川照我髮如銀

曉枕

天時人事莽何窮
睡破山窓正惱公
幾點木犀三月雨
一聲蜀魄五更風
青春有限年年老
白髮無私個個同
莫其老人論甲子
閭閻稚子亦成翁

詠鶴

孤山赤壁兩茫茫
疎柳江邊一草堂
塵世事多

黃髮老仙禽真對縞衣郎風急蕙帳聲猶裊月
落芝田影漸長却怕茶烟生一縷等閑飛去碧
沙旁

憶鶴

孤山有月好西湖只問湖中鶴在無頸閣瘦軀
三尺半聲搖殘夢四更初青田別去何由見赤
壁飛來不受呼寂寞小齋誰是伴賽蘭香裊舊
團蒲

謝惠壺

江上花邊到一壺春風日日要人扶數篇栗里
乃何趣五斗高陽非酒徒春事無多花去眼老
形已具雪添鬚醉鄉著我扶溪老白壁黃金惠
不如

題閑叟

前村烟火熟朝炊正是先生睡足時身帶江山
人在畫目窮今古世爭棋花邊擊鼓諸孫戲竹
下扶筇一鶴隨應笑書生閑未得白頭憂世欲
何爲

游心樓爲丁縣尹作

城外青山樓外城城頭山勢與樓平坐來白日
心能靜看到浮雲世亦輕高閣祗宜封斷簡半
年方許讀西銘乾坤一點龍門意分付當年尹
彥明

次莊定山清江雜興韻

家學華山一覺眠圖書亦在枕頭邊傍花隨柳
我尋句剩水殘山天賜年竹徑旁通沽酒市桃
花亂點釣魚船平生我愛孫思邈自古高人

又圓

中秋夜示江右李劉二生

勝會古來非獨今兩生尊酒喜同斟且看溟海
中秋月莫動匡廬半夜心天道端須憐主客浮
雲不敢弄晴陰堯夫獨愛梧桐上萬籟無聲意
自深

辭修縣志

噓嗟文獻荒涼久著述圖經長老宜令尹高才
應處分病夫何者敢聞知嘗聞司馬開班范直

似家翁詔小兒史體所關無大小千秋麟筆寄
宣尼

寄李九淵

黃花開盡不持醪更對黃花讀楚騷江閣影流
西日轉海鴻聲引北風高大寒天地猶堪出垂
老筋骸總厭勞嗟我與君同甲子鏡中誰讓長
霜毛

次韻梅侍御贈別

朱絃一弄白雲深山水何人共賞音老去布裘

偏愛日春來花樹不宜陰兩端如復雖天道一
體乾坤是此心扶病寒江遠相送古椰葉脫北
風吟

贈同遊馬玄真伍伯饒舅

江流東與海潮通江去潮來今古同巖洞風光
詩卷裏天涯歲月釣船中老甥動止常隨舅小
友小情愛傍公更約鐵橋窺險絕筆床琴匣未
須封

立春日呈丁縣尹

浮生五十五回逢青帝來朝駕自東草色向江
先自綠桃花臨路爲誰紅高堂滿獻曾孫酒小
邑初移令尹風身着斑衣啼又笑老來真個是
兒童

元夕

欲將斗柄作垂鈎高掛銀蟾照九州
皇帝萬年臨宇宙羣黎無處不歌謳兩間和氣
氤氳合五色卿雲爛熳浮一曲昇平人盡樂老
夫林下更何求

賀冠者

都老門前十丈松采帷高映日曛曛賓迎一徑
桃花裡春在三加酒琰中禮衣未忘洪武化絃
歌還動子游風主人不用投壺勸醉倒江門老
石翁

寄高知縣

下疑河岳上星辰何處勾連得此身天上未旌
強項令督郵多見折腰人青天白日孤城曉碧
柳黃鸝萬井春澗底菖蒲真未有堪君服食更

通神

次韻伯饒見示養內之作

小結菴居不化緣牽蘿架石兩三椽一函玉笈
飛霞裡半枕華胥語鳥邊東老豈知丹是酒今
人多以管窺天市中買得參同契萬遍千週然
未然

次韻荅伯饒見拉釣

好共溪山結晚緣竹枝深夜響漁椽風清月朗
滄溟外魚躍鳶飛枕几邊茶竈烟銷回野艇竹

竿霜冷釣秋天少年孟浪東西走衰病于今耻
復然

苦熱

尋常衣汗濕青荷爭奈連朝溽暑何四象陰陽
分老少一年天地幾中和水枯瓦沼蛙將徙日
炙山枝鳥不歌一事傷廉非得已竹林水簟受
風多

寄林虛窓

蒼梧酒興未消磨又向江門鼓枻歌鳥見畫來

高畫品我疑詩巧是詩魔
輞川樹石愁摩詰語
可精神動老坡開眼也
知真有益後來歲月悔
無多

晝睡

林木蒼蒼鳥哺雛
江亭春與睡相宜
風花已遺
新年醉氣候還增病
叟癡塵世悲歡忘處了
浮生日月夢中移
晨炊未熟無人喚
正是飛雲曳杖時

對酒

竹杪風輕瓦雀哀
葛巾蕭散步階苔
放懷自對
溪花笑好事誰撐酒
舫來白髮驚看今日老
青春剛到隔年回
狂心被酒如飛鶴
又逐紅雲上玉臺

二仲爲隣蔣詡家
蕭然鶴髮映烏紗
春來歌唱
惟消酒老去園林尚種花
蚤卜居廬依木石
不
論日月住烟霞
小齋半夜忘眠處
三尺盆池一口蛙

南歸途中先寄諸鄉友

我家久住龍溪上說著龍溪便有情荔子不將
梨鬪美沙螺休與蟹爭衡江村婦女蕉衫窄市
巷兒郎木屐輕漫興詩多誰和我樽前忙殺馬
先生

不分賓主共林塘脫下朝衫作道裝酒爲老夫
開甕盎茗和春露摘旗鎗津頭水滿鴛鴦下墻
背風來枳殼香何處與君拚坐久萬株花裡小
藜床

與謝祐

易生忽與謝生來小雨初晴到玉臺笑我十年
臯席在爲君今日葦門開古來委吏非忘魯世
外高人亦姓回滿眼示人人不識更從何處話
根荄

縣主丁侯約遊圭峯齋次以病不果賦此
筓輿欲出更夷猶病入西風汗未收書閣水雲
聊自睨玉臺霜月爲誰秋主翁愛客杯盤大小
吏鳴鞭道路愁我有平生筋力在不尋齋次碧
峯頭

懷古

五斗之粟可以生折腰殆非賢所能卽生斯世
須妨俗莫道前身不是僧廬阜社中期滾滾潯
陽菊畔醉騰騰南山歌罷悠然句誰續先生五
字燈

茶蘼花開有懷同賞

看花何處發孤吟墻角茶蘼又破金紫豔照人
今日態香風吹夢隔年心多情酒伴何來晚得
意遊蜂入每深病起南窓坐終日獨憐涓滴未

成樹

次韻林先生潮連館中見寄

烟村渺渺樹成行社屋三間是講堂竹葉林中
堪送老菊花籬下又逢霜膳夫問煮魴魚美田
舍邀嘗早稻香入社撚鬚誰最數共尋佳句答
年光

祖母年高令伯歸白雲 丹陛共霑衣小臣去
國身多病 聖主留心日萬幾一飯未能忘補
報百年終是懶依違白頭恐負垂髫志記得城

西就館時

夜坐因誦康節詩偶成

窓竹蕭蕭正晚風
溪星耿耿又秋蟲
一瓢豈肯方顏子
千首將無有邵雍
恨月嘯花都大雅
鳶飛魚躍一中庸
無人不羨黃陳輩
高步騷壇角兩雄

家兄往東向村收蚕稻登舟後雷雨大作
章侍坐貞節堂至夜分以爲憂是年甲辰
家兄六十一未嘗有如意之求

花甲人間亦易回
吾兄懷抱幾時開
雲師暫引秋帆去
風伯還將暮雨來
社酒香消荷葉冷
楚歌聲起竹枝哀
天公遺我多愁事
貞節堂邊炒夜雷

丁縣尹惠米時朝覲初歸

病叟山中觀物坐
長官天上帶春回
琴堂未必淹三考
村醕猶堪共一杯
彩翼雲霄看得意
白頭供奉愧非才
如今單父無裨補
分俸何須到草萊

白洲詩集 卷七
次韻張侍御見寄

吐月山前坐四更一涼何不獻先生
鷓鴣翅短那能去駿馬蹄輕只欲行
見舞綠蓑知我醉聽吟素練是君清
許尋舊雨江門下秋晚不來空
寄聲

赤松黃石皆留侯回首丹丘是故丘
明月波間休擊楫白蘋洲上有眠鷗
誰家風雨花無恙萬古江河水自流
百尺樓中朝引望望中去馬更來牛

聞張廷實謝病歸寄之

老夫衰病託滄溟不道滄溟亦有爭
正是黑頭堪入仕初登黃甲最知名
君當出我一頭地我更期君萬里程
聞說朱明丹已熟扁舟同作訪
醫行

偶憶夢中長髯道士用一囊貯羅浮山遺
予戲作示范規

飛雲萬丈來冥冥囊括誰將隻手擎
南極回頭一閣老鐵橋有路中天行
山通碧落神明衛地

白沙子集 卷七
有丹砂草木靈若個長髯應識我古來真隱不
知名

九節之筇手所持兩年衰病負幽期香爐瀑布
還匡阜碧水丹山自武夷雞犬幾時同馭氣雲
霄無日不支頤可憐一覺羅浮夢不記長髯道
士誰

羅浮道士說軒轅千古風高尚可覘枕上昨宵
驚短夢人間何處覓長髯誰能愛酒過東老我
欲凌虛問海瞻四百亂峯南斗下是誰囊括

茅簷

夜坐

半屬虛空半屬身細縵一氣似初春仙家亦有
調元手屈子寧非具眼人莫遣塵埃封面目試
看金石貫精神些兒欲問天根處亥子中間得
最真

不著絲毫也可憐何須息息數周天禪家更說
除生滅黃老惟知養自然肯與蜉蝣同幻化祇
應龜鶴羨長年吾儒自有中和在誰會求之未

白洲集
卷七
發前

次韻張廷實謝病後約遊羅浮見寄

滄浪共擬一桴浮欲斫扶桑作釣舟箕穎舊知
堯舜大留侯初伴赤松遊空中鶴爪挈雲上橋
下泉聲洗鐵流却憶平湖林縣博僊山從我竟
何由

胸中千頃著南溟何物岑蹄莽愛爭但得百千
同買醉不曾三十便收名鶯花衮衮新搜句烟
水茫茫舊路程莫倚芳容欺老病手扶青玉筮

君行

與謝胖

風波來往十年身舊事淒涼不可陳當道豈非
鉤距手青山不問打眠人酒醒旅館南月夢
破菰茨海角春何日定攜妻子去水田稼好最
娛親

夢崔清獻坐床上李忠簡坐床下野服搭
颯而予參其間

清獻堂堂四百春夢中眉宇識天人報君西蜀

青油幕老我東籬白葛巾萬里歸心長短賦九
天辭表十三陳南風欲理增江棹也借青山卜
墓隣

公在蜀中嘗賦水調歌頭一篇其辭曰萬
里雲間戍立馬劒門關亂山極目無際西
北是長安人苦百年塗炭鬼泣三邊鋒鏑
天道久應還手寫留屯奏炯炯寸心丹對
青燈搔白髮漏聲殘老來勳業未就妨却
一身閑蒲澗清泉白石梅嶺綠陰青子怪

我舊盟寒烽火平安夜歸夢到家山夢中
對菊坡論舉此詞故中聯及之

宋史記中堪列傳菊坡門下豈無人彈文驚世
頻登閣散髮從師懶著巾嶺海一星元屬李古
今全華總歸陳山齋夢破今何在夜半歌聲徹
四隣

館廷實進士於白沙社率爾成章兼呈丁

明府

壇有青松埭有花烟籠寒水月籠沙人間何處

白沙手集 卷七
堪棲鳳歲次今年正屬蛇樹杪看山橫半面水
邊尋路入三叉高軒若肯終年任應沒閑愁上
鬢華

廷實偕丁明府遊圭峯雨中奉寄

脚頭到處是天台多少風光在草萊花縣偶攜
明府去玉臺還少道人來清流赴海無千里白
骨封苔有幾堆對雨一樽須強飲爲君呼起鼻
中雷

次韻鄉人送酒

四時功德正恢台仲蔚門前十畝萊恨我未能
終日醉夫君又送一尊來江山雨過聊供眼書
卷年深謾作堆午枕南風吹不醒可能破柱作
驚雷

廷實歸贈以瑞香之花次韻留別

是誰溪裡放船來溪月隨身上海臺衰骨可供
連日語後生真有不羈才笑呼白鳥同詩社旋
掬清流當酒杯欲贈夫君何所有畫闌新帶瑞
香回

番陽丘先生遠示傑作二章仰仰垂愛之
厚感慰兼極章衰疾龍鍾無足爲故人道
者勉據來韻少布區區之忱耳倘過遼陽
之便假手錄寄以發克恭黃門一笑幸甚
昔從 天上拜 彤庭一別官河幾度冰豈有
文章供史館漫將袍笏對山靈數株松菊猶三
徑兩棹風烟又八溟欲寫漁翁寄廬阜眼中誰
解辨丹青

綠水青山置我曹江西遼左一神交短籬霜菊
誰供酒破屋秋風自補茆勳業都歸窓下枕行
藏更問易中爻痴兒多病慈親老不向清時歎
繫匏

西良容君攜孫來訪

不見夫君心緒亂忽過茅宇鬢毛斑稚孫看弄
窓前筆觚子忘歸月下灣衰病欲尋西華枕舊
遊半落北邙山洛陽詩酒耆英社分付江門主
客間

次韻定山先生種樹

東崦芳菲已碧桃更移紅杏占西均每逢好雨
扶筇看不要先生抱甕澆與一野僧吟憇石無
諸俗事坐持醪不將物我來分別觀化于今是
幾遭

橋下泉流十丈窪橋頭草屋萬株花關關終日
鳥鳴樹歲歲春風人在家何處三杯歌浦口夜
來一夢在天涯尊前不見滄溟濶浩浩還君一
笑誇

花時風日美新晴北汧南坨迤邐行春色酣酣

薰我醉年光袞袞歎人生竹林背水題將遍石
筍穿沙坐欲平客問定山何所有滿山紅紫數
聲鶯

題畫王太姥像壽家慈八十一

三元甲子不須論帝遣長生住此村花水前頭
瞻太姥雲霞裏而拜曾孫一天星彩分南極千
歲桃花發舊根議儼人間都未是壺中自有
乾坤

至日病初起

至日哦詩起坐床梅花牆角爲誰香暖臍一盞
金櫻酒降氣連朝附子湯旋整巾裳還客拜未
堪歌舞趁孫狂赤藤杖點廬岡石向晚猶須望
八荒
兩度書雲傍玉臺不才知幸乞 恩回梅花果
解撩詩思弓影何須落酒杯四大形骸從老去
一年風日想春來眼前不獨南枝早未騰江桃
也爛開

睡足龍溪舊草堂晨開東牖望扶桑四方雲物

書同日半夜梅梢度一陽行不愧人貧亦樂藥
能除老瘦何妨春來試約張東所何處投竿弄
渺茫

山人家世本陳搏供奉何堪晚得官菽水可寬
垂老意江山不比向來看教兒別煮新年藥問
客能食老菜盤欲上飛雲更何日典裘沽酒掛
驢鞍

殘菊寄兼素

此菊自九江昇來

徙檻編籬與護持託根何謝九江時數花寂寞

元高品一賞延緣有舊知把酒忽驚今日意冷
英誰弔古人悲風霜未改微馨在看到玄冬復
幾詩

晨起將出尋梅

朝烟橫野犢鳴陂索杖山齋睡起時田父許留
今日酒梅花不欠去年詩衝寒索笑來何處帶
病尋香出每遲彷彿西湖夢中見水邊籬落忽
橫枝

半樹橫枝太逼真暗香疎影亦傳神芝蘭失寵

元無雪桃李生嫌更媚春老幹最宜千丈石香
風不動九衢塵相思滿眼天涯暮迢遞無因寄
遠人

虬枝高望鐵橋開稟氣寰中寡所諧樵塢夜寒
花索酒山厨香近月橫階何處畫圖空議擬他
時羹鼎絕安排相逢也恨孤山淺那得詩情到
簡齋

村南叉路細縈蛇注目寒江不見花遠樹帶煙
風裊斷長稍離岸石鈎斜看來欲洗溪邊竹折

去須乘水上槎買地結庵何處所老梅今擬作
東家

輓勅總兩廣軍務都御史郴陽朱公

十年持節嶺西東奏疏金門月幾封都府清虛
如到寺家徒冷淡不隨公瘡痍已拯人間溺經
略還收戰外功猶與後時愛餽餉羨餘不以獻
重瞳

髮疎齒豁瘴天涯已道頭顱事可知萬里忽聞
徵召起九泉應恨乞歸遲事方年少常如鈍慮

過時人忽似痴愛惜餉軍三十萬至今猶繫陝
人思

楚天春望思難任生死交情祇自深豈有鵬程
高萬里故收駿骨破千金姓名叨入黃公傳絮
酒空懷孺子心拂拭孤桐向明月哀絃彈絕不
成音

太子少保諡庵朱公歸葬郴陽適會憲長
陶公遣生員陳諫偕景暘往祭其墓遂併
以公意作詩贈之

白雲子全集 卷七 九
銘旌前日別金臺故吏門生安在哉黃葉孤村
荆桂老青山連騎越香來人思舊德聞吹笛鳥
避新阡下啄苔欲了平生功德狀到時須打墓
碑回

黃金誰問買端溪半粘殘碑我解題一飯可忘
公吐握千秋遺愛廣東西寒瀧急雨飛濤惡夜
峽啼猿哭月低不爲高堂兼臥病天涯絮酒肯
教攜

讀張進士輓丁明府彥誠詩次韻

六年官守斃諸難七月孤兒護一棺作縣未逢
真事會濟人初試小還丹思張公道多違俗入
敘年勞不轉官今日桐鄉須愛我還公俎豆黃
雲間

寄莊定山兼謝藥鼎祭器

青燈白馬共延緣半樹梅花一大顛

謂太虛師

色笑

親公剛一月江山別我忽三年懸車有病時將
脫辟穀無方意可傳祭器遠來人不見夜焚香
炷拜青天

易柳訃至乞書銘旌

三年不欵白沙扉病枕春來耗亦稀天地無窮
流水遠江山猶是昔人非羣賢半逐春雲散老
淚還隨暮雨飛八字銘旌吾敢愛知君不愧舊
儒衣

謁諸墓

宿草荒墳祗自悲百年心事欲奚爲券堂有鼠
能穿地神道無人可假碑數口仍憂開歲給一
錢未領到官支赤泥淺土嗟何及早晚牀金盡

一揮

悼林琰

青湖山下抱琴回人道藩籬自此開溱雪果嫌
身抱柱甘眠真有鼻呼雷塵埃袞袞荒書課鴻
鵠翩翩落酒杯多謝急難兄弟好爲收遺骨葬
蒿萊

扶胥早寄坐中身晚入鬢宮忽四春放意自名
狂者事到頭誰是醉鄉人世緣可狗聊同俗習
氣難除每喪真聞道平湖歸漸近相逢空有一

沾巾

景雲如柳陽未返懷之舊韻

曲江忠襄鄉先達過兩廟拜看留題鳥還英德
山當面人向芙蓉路更西蓋頂拂霜羸馬怯擔
頭衝雨跛奴低西風兩眼龍門淚灑向桂陽何
處溪

袁侍御夜過白沙

萬里心期共杳然春風何處酒相延霜臺白髮
三千丈草閣青燈十九年酩酊放歌聞浦口支

離從事說南川乾坤此意誰拈出盡是庖羲未
畫前

候緝熙

何日江邊艤畫航春風先客到林塘鳥性亦知
長傍樹人情莫甚久離鄉蕭蕭白髮春還短悄
悄丹心老更長不負平生袁御史嶺南無地著
秋霜

悵望春江醉欲呼諸君還契此機無花開小泝
供持酒水到垂楊可擊鱸暮景何勞方伯玉前

程端勿問平湖故鄉不似前回別江閣青燈對
老夫

近陞憲副翁公以占城國主自海南來省
過白沙索和李黃門諸公韻

炎氛莫近使君驟清雨為洗瘴天南 聖朝簡
畀公何忝長夏驅馳老尚堪林下朝朝還暮暮
水邊兩兩復三三忽逢海上夷王過又把新聞
續舊談

白沙子全集卷之七 終

